

Jeremy Miles AS

Y Cwnsler Cyffredinol a'r Gweinidog Pontio Ewropeaidd

25 Mehefin 2020

Annwyl Jeremy,

Polisi buddsoddi rhanbarthol yng Nghymru ar ôl Brexit – cais am ddiweddariad

Er gwaethaf yr amgylchiadau digynsail sy'n deillio o'r pandemig COVID-19, mae'r ddwy ochr wedi nodi (yn fwyaf diweddar ar ôl y [Cyfarfod Lefel Uchel ar 15 Mehefin](#)) y bydd proses Brexit yn parhau ar yr un cyflymder, heb unrhyw estyniad i'r cyfnod pontio.

Mae ein Pwyllgor wedi dangos diddordeb brwd yn yr holl oblygiadau i Gymru pan fydd yn gadael yr UE. Mae hyn yn cynnwys ein gwaith ar raglenni cyllido'r UE yng Nghymru a phontio i unrhyw gynlluniau olynol. Felly, byddem yn croesawu diweddariad gennych chi ar weithrediad rhaglenni ariannu presennol yr UE yng Nghymru a chipolwg ymlaen at y dirwedd cyllido buddsoddiad rhanbarthol yn y dyfodol.

Rhaglenni cyllid cyfredol yr UE (2014-2020)

Byddem yn ddiolchgar petaech yn gallu ateb y cwestiynau canlynol:

- Pa effaith y mae'r pandemig COVID-19 wedi ei chael ar gyflwyno prosiectau cyllido'r UE yng Nghymru?
- Pa effaith – os o gwbl – y mae'r pandemig COVID-19 wedi ei chael ar waith Swyddfa Cyllid Ewropeaidd Cymru?
- Beth yw'r sefyllfa bresennol o ran dyrannu cyllid Ewropeaidd, gan gynnwys dyrannu Cronfeydd Strwythurol 2014-20 (wedi'u rhannu yn ôl rhanbarth a math); rhaglen Iwerddon-Cymru 2014-20; a Rhaglen Datblygu Gwledig 2014-20?
- Beth yw goblygiadau'r rheolau N+3 Ewropeaidd ar gyfer prosiectau a ariennir yn ystod y rownd ariannu presennol yn sgil Brexit?

Banc Buddsoddi Ewrop

Yn ogystal â'r prosiectau a ariennir yn uniongyrchol gan gyllid Ewropeaidd, mae Cymru wedi elwa o gyllid sydd y tu allan i gyllideb yr UE dros y blynyddoedd, yn enwedig trwy Fanc Buddsoddi Ewrop.

Byddem yn ddiolchgar petaech yn gallu ateb y cwestiynau canlynol:

- Beth yw'r sefyllfa ddiweddaraf o ran negodi'r berthynas â Banc Buddsoddi Ewrop yn y dyfodol a pha rôl y mae Llywodraeth Cymru wedi'i chwarae yn y trafodaethau hyn?



Senedd Cymru

Bae Caerdydd, Caerdydd, CF99 1SN

✉ SeneddMADY@senedd.cymru

☎ 0300 200 6565

Welsh Parliament

Cardiff Bay, Cardiff, CF99 1SN

✉ SeneddEAAL@senedd.wales

☎ 0300 200 6565

- Pa asesiad y mae Llywodraeth Cymru wedi'i wneud o nifer y prosiectau sy'n elwa o fuddsoddiad Banc Buddsoddi Ewrop yng Nghymru ar hyn o bryd a fyddai'n cael eu heffeithio pe bai'r DU yn tynnu yn ôl o Fanc Buddsoddi Ewrop (gan gynnwys cyfanswm gwerth y prosiectau hynny)?
- Os bydd y DU a'r UE yn methu â chytuno ar ryw fath o berthynas â Banc Buddsoddi Ewrop yn y dyfodol (fel y nodir yn y Datganiad Gwleidyddol), pa gamau y mae Llywodraeth Cymru yn bwriadu eu cymryd i liniaru effaith y posibilrwydd y bydd y DU yn tynnu'n ôl o Fanc Buddsoddi Ewrop ar brosiectau a ariennir yng Nghymru?

Dyfodol buddsoddi rhanbarthol ar ôl Brexit


Rydym yn nodi y gwnaeth eich ymgynghoriad diweddar ar ddyfodol buddsoddiad yr UE yng Nghymru ddod i ben ar 10 Mehefin. Byddem yn ddiolchgar pe gallech ddarparu'r wybodaeth ddiweddaraf am yr amserlenni ar gyfer cyhoeddi'r ymatebion i'r ymgynghoriad, ynghyd â syniad o'r nifer a'r math o ymatebwyr, ac unrhyw themâu sy'n dod i'r amlwg y gallwch eu rhannu â ni.

O ran y Gronfa Ffyniant Gyffredin, byddem yn ddiolchgar petaech yn gallu ateb y cwestiynau canlynol:

- Beth yw'r sefyllfa ddiweddaraf o ran y Gronfa Ffyniant Gyffredin ac a ydych chi wedi cael amserlenni gan Lywodraeth y DU o ran manylion am weithrediad y Gronfa?
- Pa drafodaethau y mae Llywodraeth Cymru a Llywodraeth y DU wedi'u cael ynghylch y Gronfa Ffyniant Gyffredin a chyllid buddsoddi rhanbarthol yn y dyfodol ers i'r DU adael yr UE ar 31 Ionawr 2020? A fydddech cystal â darparu manylion am y trafodaethau ar lefel gweinidogion a swyddogion.
- Beth yw eich rhagdybiaethau cynllunio o ran cyfanswm y cyllid newydd y bydd Llywodraeth Cymru yn ei gael at ddibenion buddsoddi rhanbarthol ar ôl diwedd y cyfnod pontio? Darparwch fanylion am y dull cyllido, os ydynt ar gael.

Byddwn yn ddiolchgar pe baech yn ateb erbyn 20 Gorffennaf 2020. Anfonaf gopi o'r llythyr hwn at Gadeirydd y Pwyllgor Cyllid hefyd.

Yn gywir,



David Rees AS

Cadeirydd y Pwyllgor Materion Allanol a Deddfwriaeth Ychwanegol

Croesewir gohebiaeth yn Gymraeg neu Saesneg.

We welcome correspondence in Welsh or English.

